

capillos in illarum gremio notavit, sic tamen oculos auertit, ut nec vidisse videretur, & tunc equidē, nihil hac de re, post tempus, sciens in sermonem senectutis incidit, filiam sciscitatus est: Vtrum suo tempore canos, an nullas habere comas mallet. Atque illi sine hæsitatione respondenti, & caniciem caluitio præferenti, sic insultavit: Cur igitur hæc ante tempus te decaluant? Audita fama Herodis Iudæorum Regis, quod infantes circa bimatum omnes in Syria natos, inter quos mandasset & propriū filium occidi: Melius est, inquit, Herodis porcū esse quàm filium. Alludens mori Hebraico, sic enim carnibus suillis, sicut humanis abstineret. Tragœdiam scribere adortus erat, cuius mentionem inter studia eius feci, tragœdiæ nomen erat Ajax, eam enim siue iam quod displicuisset, ut Macrobius refert, siue inceptum stilo non succedente, ut Suetonio videtur, aboleuerat: Et interrogantibus amicis: quid Ajax suus ageret? In sponsia inquit incubuit. Non consultè (nisi fallor) ageremus, bona pars Scriptorum, si in iudicando de opusculis nostris, huius ioci memoriam haberemus. Sed ne forde indicatior Augustus quàm Princi-